

tay thoven ka tabuko pamuko. Gal amare roma bichalen selyami okole mulenge. Vazden o tabuko e mulesa, e pashe manusha den yalwkora e mrushenge, kay vazden e mule I zhan ka limorya.

Пала o drom khonik ni trebul te iril po shoro napapale, ta na merol aver manush. O tabuko ingyardol pe e muleske sheresa naangle (sar o manush biyandol, e sheresa naangle).

E mulesko limori si derini kozom zhi ka por e mrushenge tay zhi ka kolin e zhuvlyange. O tabuko e mulesa mukhyol pe zhi ka limori. O odzha chetil dova. Nakhen e pashe manusha te len peske proshka e mulesa, tay thoven pamuko zhi leste. Shelentsa mukhen e mule андо limori. Nakhen savre e roma tay chhyven po ekh shepa phuv upral mulesko pokrivi. E shereski rig thovol pe ekh baro bar tay ekhe pirasa (shishava) ka limori chhorol pe pay, sar astarol pe katar e changa tay resol pe zhi ka shoro. I piri mukhyol pe zhi ka bar.

Ande muleski avlin phabarol pe yag. Savre kala kay sas ka limori huden i yag i chhoren lenge pay te thoven pe vasta. Ka ekh masa si prigotvime parchave alvava tay mano. Seko ek lyol peske po ek parchava alvava tay po ek filiya mano i zhal peske. Ka than kai thoven e mule thovol pe ek hurdo bar tai ek chasha pai. Te avilo o mulo te piol pay.

Ka trinto give palal o prahovipe keren pe mekitse, tay razdavin pe thudesa ili limonadasa kher zhi ka kher. Leske sheya thoven pe, bez te parin pe thay den pe ka chore manusha. Ande inya give palema kerol pe gal. Ande saranda give gotvil pe supa, yahniya, banitsa, gris, alvava. Ande shovto chhon chhinol pe bakro, ama lestar gotvil pe samo opash. Ande ekto bresh palal o prahovipe palema chhinol pe bakro tay gotvil pe tselo. Ka posledno trin pomenora thumudol pe odzha.

